



Broj: 02-04.1-1182/21
Brčko, 17.12.2021. godine

Na osnovu člana 12. Zakona o Direkciji za finansije Brčko distrikta Bosne i Hercegovine (Sl. glasnik Brčko distrikta BiH broj: 19/07, 35/17 i 3/019), a u skladu sa članom 5. Zakona o poreskoj upravi Brčko distrikta Bosne i Hercegovine (Sl. glasnik Brčko distrikta BiH, broj: 11/20), direktor Direkcije za finansije, na osnovu prijedloga Poreske uprave, daje sljedeće:

M i š l j e n j e

Poreski obveznik, ██████████, obratio se Direkciji za finansije zahtjevom za mišljenje, koji je zaprimljen ██████████ i evidentiran od strane ovog Organa pod brojem: 02-04.1-1182/21.

U Vašem aktu postavili ste pitanja:

Može li Pravilima učestvovanja u nagradnoj igri za Federaciju BiH biti propisano učestvovanje u nagradnoj igri svim državljanima BiH, sa mjestom prebivališta/boravišta u BiH, bez obzira što se paralelo odvija za isti brend i pod istim nazivom nagradna igra sa manjim fondom nagrada i u Republici Srpskoj i Distriktu Brčko? Može li na osnovu prava učestvovanja i dobitaka glavne nagrade u FBiH biti osoba sa prebivalištem/boravištem u Distriktu Brčko ili Republici Srpskoj? Da li su u tom slučaju državni propisi iznad entitetskih? Kako se dalje reguliše, tj. plaća porez na dobitak? Kako se opravdati, kako izraditi Pravila sudjelovanja u nagradnoj igri, vezano za predmetno?

Prema Zakonu o porezu na dohodak (Sl. glasnik Brčko distrikta BiH, 60/10, 14/17 i 24/20) članu 5. stav 1) tačka e) porezom na dohodak oporezuju se dohoci koje poreski obveznik ostvari od učešća u nagradnim igrama. Prema članu 7. stav 1) tačka j) navedenog Zakona, ne plaća se dohodak na dobitke ostvarene učestvovanjem u nagradnim igrama koje organizuju preduzeća u propagandne svrhe, a koji se isključivo odnose na proizvod ili paket proizvoda iz vlastitog proizvodnog asortimana, ako tržišna vrijednost takvih dobitaka nije veća od 1.000,00 KM

Prema članu 24. Zakonu o porezu na dohodak (Sl. glasnik Brčko distrikta BiH, 60/10, 14/17 i 24/20) dohodak od nagradnih igara čini vrijednost svake pojedinačne nagrade ili dobitka ostvarenog učešćem u nagradnim igrama koji je dobitniku isplaćen u novcu, proizvodima, uslugama ili pravima, osim nagrada i dobitaka iz člana 7 stava 1 tačke j) ovog zakona. Osnovicu za obračun poreza na dobitke iz stava 1 ovog člana čini svaki pojedinačno ostvareni dobitak, ostvaren učešćem u nagradnim igrama u skladu s članom 6 stavom 1 tačkom j) i članom 7 stavom 1 tačkom j) ovog zakona, čija je pojedinačna vrijednost veća od 1.000,00 KM. Ako se dobitci sastoje od stvari, usluga ili prava, osnovicu poreza čini tržišna vrijednost stvari, usluga ili prava u momentu ostvarenja dobitka. Kod utvrđivanja dohotka iz stava 1 ovog člana rashodi se ne odbijaju.

Prema članu 36. Zakonu o porezu na dohodak (Sl. glasnik Brčko distrikta BiH, 60/10, 14/17 i 24/20) porez na dohodak, iz člana 24 stava 1 ovog zakona, plaća se po odbitku primjenom stope od 10%, bez prava na umanjenje osnovice, u skladu s članom 25 ovog zakona. Porez na dohodak u skladu sa stavom 1 ovog člana koji je utvrđen, obustavljen i uplaćen smatra se konačnom poreskom obavezom i poreski obveznik ovaj dohodak ne unosi u godišnju poreznu prijavu. Obračun i obustavu poreza na dobitke od nagradnih igara vrši organizator nagradnih igara pri svakoj isplati dobitka fizičkom licu koje je ostvarilo dobitak, a obustavljeni porez dužan je uplatiti organizator nagradnih igara do posljednjeg dana u mjesecu u kojem je porez obustavljen.

Prema članu 37. stav (5) rezidentu koji dohodak ostvari u inostranstvu, odnosno u entitetima, porez na dohodak utvrđuje se u skladu sa ovim zakonom uz priznavanje plaćenog poreza po odbitku i akontacije poreza na dohodak plaćenih u inostranstvu, odnosno u entitetima.


Shodno navedenim zakonskim odredbama, porez na dohodak od dobitaka plaća se u entitetu gdje je ostvaren. Poreski obveznik iz Brčko distrikta BiH može učestvovati u nagradnim igrama u entitetima.

S poštovanjem.

Dostavljeno:

1. Naslovu
2. Evidenciji
3. Arhivi

Direktor Direkcije za finansije



Mato Lučić, dipl. ecc